

**Apeqquteqaat aallaavigalugu oqallisissiatut siunnersuutigaara nunatsinni meeqqat tamarmik atuarnissamik periarfissaqaraluartut taamaattorli meerartatta isorliunerusuniittut nunaqarfinniittullu atuartitaanikkut periarfissaasa ilaatigut ungasianit atuartitsinikkut, nunatta sua-tungaani najugaqarneq aporfiginagu nalimmassaaviginissaat qulakkeerneqarnissaallu piviu-sunnngortinniarlugu Naalakkersuisut periarfissat assigiinngitsut qanoq atornialersaarneraat.** (Inatsisartunut ilaasorta Jane Petersen, Inuit Ataqatigiit)

### **Akissuteqaat**

(Kultureqarnermut, Ilinniartitaanermut, Ilisimasutsarnermut Ilageeqarnermullu Naalakkersuisoq)

Naalakkersuisut apeqqummut qujapput, kiisalu meeqqat inuusuttullu isorliunerusuniittut nunaqarfinniittullu meeqqat inuusuttullu illoqarfinniittut assigalugit ilinnialernissamut pitsaanerpaamik tunngavissaqartinneqarnissaat pillugu Jane Petersen isumaqatigalugu.

Aallarniutigalugu Naalakkersuisut erseqqissaatigissavaat soorlu Jane Petersenip nammineq eqqaa-reeraa, atuartitsinermit inatsisitigut killiliussat atuarfinnut tamanut atuummata, nunaqarfimmi atuarfik atuartukitsoq illoqarfirmiluunniit atuarferujussuaq pineqarnersoq apeqqutaatinnagu, tamatumungali peqatigitillugu meeqqat inuusuttullu tamarmik ilinniagaqalernissamut tunngavissanik pisariaqartunik pissarsitinneqarnissaannik ilungersuuteqarnermi unammisassarpasuit Naalakkersuisunit eqqumaffigineqarput, tamatumani ilinniartitsisussaaleqineq unammisassat annertuut ilagalugu.

Taamaattumik Nunatsinni ilinniartitsisunik sulisussarsiorliarluni ilinniartitsisullu amerlanerusut sulioriinnarniarlugit suliniutit KANUKOKA aamma IMAK peqatigalugit aallartinneqareersut Naalakkersuisunit nangeqqinnialersaarneqarput.

Ilinniartitsisunik illoqarfirmitt nunaqarfirmut nassiussisarnissamut tunngatillugu Naalakkersuisut ilisimatitsissutigisinnaavaat periarfissaq taanna ukiut ingerlanerini illoqarfinni assigiinngitsuni ator-neqartarsimammat ataavartumilli aaqqiissutitut pinnani, ilaatigut ilinniartitsisussaaleqineq ilaati-gullu aningaasaqarneq pissutigalugit. Taamaattorli taamatut aaqqissuussinerni ilinniartitsisunillu paarlaasseqateqartarnermi misilittakkat pitsaasuusimapput Naalakkersuisuniillu Institut for Uddan-nellesvidenskabip KANUKOKA aamma IMAK KIIIN-ilu suleqatigalugit 2010-mi naliliilluni isumasioqatigiisitsinissaanut atatillugu Naalakkersuisunit eqqaaneqarniarluni.

Ungasianit atuartitsisarnermut tunngatillugu pineqartup tamarmi ineriartortinneqarnissaa, ungasianit atuartitsinermit suliniutinit assigiinngitsunit maannamut misilittakkat katersorneqarnissaat ator-luarneqarnissaallu, kiisalu teknologiimik pioreersumik atorluaanerunissamut periarfissat tamarmik attavilersuinermit attaveqatigiinnermullu tunngasuni ingerlatallit qanimut suleqatigalugit pilersaarusoqinermi ilanngunneqarnissaat Naalakkersuisut kissaatigaat.

Tamanna IKT-mut periusissaliorluni sulinissamut atatillugu ilanngunneqassaaq, tassani ilin-niartitaaneq piginnaasanillu ineriartortitsineq tassaassallutik suliniuteqarfiit pingaarnerpaat. Periar-fissat pineqartumi pingaarutilimmi tamatumani teknologiip nutaap periarfissiussaannik iluaqute-qarnerunissaq minnerunngitsumik anguniagaavoq, ilaatigut nunaqarfinni isorliunerusunilu mee-qanut iluaqutaasussaq.